

滑縣志卷之二

署滑縣事獲嘉令吳都吳喬纂修

知滑縣事山陽呂文光增補

山川

州縣所隸分併不一山川之跡亘古不易故鄭樵曰禹貢之書所以為萬代地理家成憲者以其地名州不以州名地也然今滑治黃河故道已成平陸二帝陵在白茅里並無秋山問之土人皆茫然不知鮒鰓山亦僅一土岸高不逾數尺而已豈山海經帝王世紀皇覽諸書所載咸非實耶抑如詩人所云高岸為谷深谷為陵山川亦不能無滄桑之變耶至如一邱

滑縣志卷二 山川

一壑與時盛衰又無論矣故詳誌之使人知今古不同不可因圖史所有而致疑也

鮒鰓山在滑縣東北七十里郡國志顓頊所葬山海經顓頊

葬其陽九嬪葬其陰阮嗣宗東平賦托顓頊於鮒鰓一名

高陽山一名青塚山

一名廣陽山一名高陽山一名高陽山一名高陽山

郤煥元詩峨峨鮒鰓山遙帶窮荒跡古帝舊廟弓為光

氣不滅

秋山在廢頓邱縣西北明一統志載入清豐按山海經帝

嚳葬於秋山之陰今帝嚳塚在此則屬滑無疑第一帝陵

旁左右數十里內除鮒鰓外別無他山其跡已不可考據

大名府志去久為黃河故道矣

白馬山在縣東北三十四里水經注有白馬羣行山上悲鳴則河決馳走則山崩故津與縣皆以此名狗脊山在縣城西北隅其上出狗脊草故名

宋天禧三年河決滑州發丁夫數萬塞之此成高數丈王曾率百官入賀一名天臺埽以其近天臺山麓

張侏循九日登天臺山詩幾年為客漫悲秋九日登臺起舊愁木落遙連天北樹河流空漸衛南洲陶潛有興看黃菊潘岳多情感白頭回首長安詞賦侶風烟相望不同遊 清秋肯負龍山約佳節同登戲馬臺萬里風

滑縣志卷二 山川

二

霜仍霽色百年歡笑且啣盃關河歸雁皆南下阨塞愁雲自北來身在楚邱留宦跡紫萸黃菊使人哀 盧柟登天臺山有感呈張壚山明府詩天風吹斷壑秋色渺荒臺浩蕩江河去蒼茫日月來傷心驚絕險回首起重隈欲盡登高興慚余作賦才

黃河故道在縣西二里北盡縣境東北有苗固魚池蔡胡諸澤皆河經流處今河南徙舊道淤矣

滑河在縣南經北而東自洛以西衆水匯焉唐沈亞之作魏滑分河錄明皇時得龍馬於此今湮

王莽河在縣北臨河境內禹貢錐指大河故瀆一名北瀆

王莽時空俗遂稱王莽河今湮
淇河冀州圖云河西從河內界入黎陽至臨河西十四里
至王莽河出焉

沙河在縣南五十里

硝河在縣東北六十五里古黃河經流處

永濟渠在廢臨河西北三十里自濬縣入界東北入內黃
界

澤沱澤在縣西北三里周五里

白馬津在縣西北十里漢酈食其說沛公守白馬之津以
示諸侯形制之勢即此

滑縣志卷二

山川

三

李白白馬津樂府將軍發白馬旌節渡黃河簫鼓聒川
嶽滄溟湧濤波武安有振瓦易水無寒歌鐵騎若雪山
飲流涸澤沱揚兵獵月窟轉戰畧朝那倚劍登燕然邊
鋒列差莪蕭條萬里外更作五原多一掃清太漠包虎
戩金戈

唐劉禹錫詩白馬津頭春日遲沙洲歸雁拂旌旗柳營
惟有軍中戲不似江南三月時

靈昌津在廢靈河縣東北二十里舊名延津石勒伐劉曜
至河不得渡流漸風結濟訖勒自以為得天助號靈昌津
元和志滑州有靈昌縣有延津即靈昌津在縣東北二十

二里禹貢錐指今滑縣西南有靈昌廢縣津在白馬津之西南

魏應瑒靈昌津賦畧咨靈川之遐源兮于崑崙之神卬
凌增城之陰隅兮頽后土之潛流衝積石之重險兮披
山麗之溢浮蹶龍黃而南邁兮紆鴻體而因流涉津洛
之峻泉播九道之中州汾頰涌而騰鶩兮恒疊疊而徂
征聲乘高而迅逝兮陽侯沛而震驚

靈昌湖依靈昌津濶十餘里土人名為靈昌湖

龍門闕口在縣南門外穿堤有大路挾東西龍潭

雙龍潭在南門外龍王廟東西世傳有龍關於此故名南

滑縣志卷二 山川

四

潭十頃六十畝西潭十頃四畝向有魚蓮

北龍潭在縣西狗脊山北十三頃三十六畝

秦龍井在廢韋城內東南隅相傳即古秦龍氏之鄉有古

記云左右直及工日白丁下八十一口

聖井在縣東北二十里顯靈廟西其碑云無故而汲之者
速受其譴有病而飲之者立享其安

冰井在縣西南二十里相傳為韓襄王藏冰之所

八角井一名新井在城外北濠下唐貞元中節度使賈耽

鑿

唐賈耽八角井記滑城控白馬之津迺斥鹵之溢里居

者井無良焉宰夫司庖汲用自遠人則勞已心曷以
乃相土宜視水脉因便道求美泉得之於城濠之右隅
合為一甃云

衛河在縣北七十里草坡上自湯陰縣河界起下至內黃
縣河界止舊河道計長九里中隔湯陰河道四段乾隆四
年雨水過多河流漫溢將河身東西冲直舊河淤塞新河
計長五里

永利渠在縣西南五十里自楊家林起至半坡店止計長
七里

沙河溝在縣西南五十里自沙河村起至劉家庄止計長

滑縣志卷二 山川

九里

雲落溝在縣西南七十里自雲落寺起至後張家庄止計
長一千五十二丈五尺

小興溝在縣東九十里自小渠村起至東明縣界止計長
五百四十六步

三岔渠在縣北四十五里自魏家村起至後河止計長十
五里

崇墉以衛民居深溝可限戎馬城池固一方保障也
恃陋無備與增築疲民古雖交譏然按王公設險之
義則金湯之利烏可忽諸滑城始建未詳自宋迄明
環土一坏歲傾歲繕崇正闢易土以磚民始可守若
由地利而進溯人和俾眾志成城隱然難犯是又在
守土者之撫循有術已志城池

滑城本滑氏舊壘後增為城歷代建置不可考至宋天禧
中重修土性疎易傾於雨歲歲補葺民以為勞明崇正十
一年知縣羅璧易土以磚極其鞏固 國朝康熙戊辰知

滑縣志卷二

城池

六

縣姚德聞重修乾隆辛未知縣郭錦春領帑承修工未及
竣壬申癸酉知縣吳士麒續修成之 城週圍九里高二
丈五尺濶二丈有奇池濶二丈深淺不等池內築墻以衛
之池外築堤以障之門有五東曰長春西曰嘉禾南曰南
薰北曰拱極西門之南曰清源俗號水門南北東三門俱
建城樓獨東門樓巍峩宏敞為一邑巨觀名曰見山有知
縣彭範記西水二門因堪輿家言西方白虎宜伏故不建
樓城上窩舖五十二座炮臺二十座築口一千三百
五十二

明魏照乘修城碑記吾邑滑古衛地水從山骨故名洛

南河滙白馬若奔漢酈食其策守此矣而守之今日尙
容易靈津若帶解帶不可以城軍屯如錯犴錯寧假以
盜嚮因是滑人作爾庸矣而覆土耳有不逞者窺其何
以支矧盜躡南北日者墻路之役磁州草木多腥羶逼
我滑我滑之壘先三月已締堅憑此屹屹蕃庶以兔而
奚以免也前是易公來守我郡滑介郡南二百三十里
其短垣實久土之陰雨亟漬余遊公都門議延磚而堞
焉公慨然曰恃陋無備異時必危衆心成城目下斯急
其爲易土而磚之也將滑之編小繫疇佐此乃勒掌固
以造事而余曰噫葢爾劫矣若猶是春秋之浚洙築郛

滑縣志卷二

城池

七

以試於末務而弗顧其安誰則與我業安是圖矣而使
杼布圜豕括以廝役且謂騷之又誰則與我執事其爲
易土而磚之也滑則幸矣而孰肯弗供曷若稱畚築程
土物量畝倡輸俾一二單宰鄙師董之皆曉然知執事
之衛我爾故勞我也於厥工乎何有公乃之任檄令羅
公率作興繕羅君集邑大大士謀之三閱月乃下命如
畝助議凡畝一磚八塊灰三斤捐錢盈縮惟便以買材
餘給顧值不少匪羣滑之人相與舉重輕樂其弗擾又
三閱月而磚城成不愆於素曰是羅君善承易公意蔽
芾我滑者也有堵新焉而百世賴焉是歲冬有警滑以

堅城獲無恙君子謂備豫不虞善之大者徵羅君不
所以為滑計矣易公名震吉號月槎羅君名璧號雙
銘曰河北壘雉黎陽繞津為良執事允綏我民民以滿
城板幹聿新室隙先幾力原在均同心共飲雩酒可傾
合志而陶實墉乃金郤彼寇至巨防永循

明林樹聲新修南門記滑於春秋為衛地自秦漢置郡
歷唐宋元建置不一國朝洪武初始定為縣其治壤沃
土豐故其城無塹崖阻崗旁據截出之險其士民商賈
旅之往來出入輪蹄之跡交於城市者可四面而至故
其城為門者四其始城是而門者知縣諸弘道氏歲久

滑縣志卷二

城池

八

門觀弗飾嘉靖甲午前令高君進嘗新北門而南門故
敝壞又十三年丁未彭侯始來蒞是邑周覽城守顧茲
隳陋屬意理新慎於初政乃先民之急約已慮下圖所
以勤民者日究之行益期年而政成度可以用民力矣
會是秋門圯於水殘楹敗甍墊隘衢路矣始慨然顧僚
吏曰時可矣其亟圖之因請於巡撫吾西李公巡按舊
川劉公皆報如請乃卜吉鳩工戒衆飭材撤故營新制
高三丈廣倍之上為樓五楹周以欄楯宏麗完壯猶如
舊觀矣工始於戊申十月畢於己酉正月凡役徒若干
畚築繩削之工食於公者若干材木陶甃黝堊塗墍之

費藉於公者若干是役也費不及民民勸趨之既成
士大夫咸願立石識以垂永久惟古者力役必書以重
民力然門觀樓櫓城郭道路之修廢察吏治者藉焉蓋
古之治者以其身先憂勞於民拊循之必至使民飽
其欲而樂其生於是用力於可勞民始翕然勸趨之
知上之勤於我而忘其役之勞也故其上得乘其暇於
政成以曲盡其可爲而不忽於其細今其吏治惟苟且
既無以勤民之急而於興敝起壞一切視以細故畧而
不爲其萬一有爲之而民莫不以爲厲已者然則彭侯
之興是役而民趨之也其爲政可知矣亦有識焉使嗣
而吏者可考侯名範靈寶人以丁未進士試令官其治
多惠政不係是役故不著

滑縣志卷二

城池

九

明彭範東門見山樓記滑古顯頊之墟隆安中範陽王
德據之名爲南燕天造鴻緒雄圖割有或登或叛化離
反復世代不絕故漢酈食其說沛公守白馬之津以示
諸侯形勝之勢曹操亦遣關羽刺顏良於邑北魚池里
河朔有事爭城以戰議者必以滑爲首乙卯歲上海孫
侯以新塗令起服來歷茲土明年丙辰島夷入寇瀕海
諸郡汀漳延邵乘勢偷攘腥風虐焰煽動江淮土著之
賊潛發肘腋揭竿斬草誰何於延衛之郊侯行邑至東

門城圍傾軋飛堞危觀寢廢弗治廼喟嘆曰易稱主爲
設險以守其國周官掌固修城郭溝池樹渠之阻今滑
如是卒有兵變其誰爲干城耶特部行事官師人卒鳩
工建謀隱畧基北百授財用斲斲板榦材漆紹望瓴甃
之屬靡不纖備乃肇窮臺爰始盤石連絡磚甃闔扇落
時槩以金鍔旗牙劔壁虎豹雄踞轍轆崦崦如山嶽
上建樓四楹輪廣高下法制應圖浮柱連櫺雲征鳥逝
雜遝複疊若元氣構天方地承輿乘墉敵愾萬夫奪氣
丁巳三月旦落成侯暨僚佐酒酣登覽前引鄒嶧後擁
太行左大伾右石邱四山環繞雲霞映皆侯顧諸從事

滑縣志卷二

城池

十

曰美哉茲樓之觀名曰見山何如衆謁之曰諾凡此役
不干時而績已懋著帑藏不啟民享遐福帝心克厭嘉
社攸傍風雨時至品物滋潤士女商賈載歌載詠鼓舞
忭笑充滿路衢非侯盛德何以極是縣丞王錡王文輝
主簿黃甲典史謝鎮等遂刻隆石銘勒功代垂號永久
以風來哲其辭曰鬱伊殷墟與區蘊隆白馬作鎮黃汙
瀆停四隩匪宅三民告愴戈矛橫鶩若騫若烹哲侯來
臨溫恭爾雅緝衣透蛇有斐君子行城循隍東門告祀
啟閉之菑孰不我覲侯曰噫嘻斯誰之尤曷復見毀龜
玉以偷爰召耆艾爰訓爰謀敬爾鍾鼎郭爾有家涼臺

既起飛甍既會積會積石鏘鏘威儀搃此錫鼓建彼
旗百城之特萬里無外康衢井井秉夫嘽嘽飲酒譔笑
樂此喬關孰能爲是介帝惟蕃孫公泰宇億萬斯年
國朝姚德聞重修滑縣城記昔聖王之治天下也定九
州奠高山大川其間繡壤交錯犬牙相制有城郭以爲
之捍衛有險要以爲之扼塞有廬舍人民以爲之依止
有田疇藪澤以爲之生業而其分而爲省轄而爲府散
而爲州若縣於府州縣之中立長吏以行其德澤而齊
其政教必由城邑以暨於遐陬僻壤則城也者所以禦
寇盜衛民生收賦稅施教化也顧不重歟滑自高陽氏

滑縣志卷二

城池

十一

建都而後魯莊公十六年始見於傳歷代稱爲雄藩其
城之建置遠不可考至宋天禧中重加修葺明季崇正
十一年邑令羅公易土以磚滑之有磚城自羅公始迄
今五十餘年土性踈頹雨水衝激城幾無完堞矣夫王
公設險則金湯鞏固寧非保障良謀然恃陋則不備工
費則疲民二者交譏焉予每顧是城未嘗不蒿目而心
憂也歲乙丑奉有作速設法修葺之

音乃敢告之紳士里耆謀所以增修之衆各欣然義形於
色踴躍而前曰城之設所以衛吾儕也公之活吾儕多
矣吾儕出其財力修城以自衛而可以奉

上之德意報公之惠澤吾儕何靳而弗爲余不能重違
情以其事請於中丞于公并呈各憲皆以爲可於是率
先捐俸量材計工早夜矻矻不遑寢處凡士庶吏樂輸
者不由胥吏置簿籍嚴出納擇耆老之醇謹敏練者數
人分董其事余復日加省視焉大約陶塋之工五土之
山三木之工二城周匝九里高二丈五尺濶二丈有奇
駟馬可馳城之外築短墻墻之外濬深池因民之力而
鼓舞獎勵之民不太勞費無重困始於戊辰之二月至
五月而告成焉今日者譙樓巍煥觀瞻肅矣雉堞崇隆
備禦堅矣費無中飽捐輸節矣役不兼旬民力均矣余

滑縣志卷二

城池
街市

十一

泣茲土覽金湯之固遂保障之謀於以仰副

聖天子捍衛民生至意各憲臺綏靖封域深心莫非我父
老子弟之急公好義爲之是皆可紀而可書者也因勒
諸石以垂不朽

明李攀龍登滑縣城樓詩層樓落日倚蹉跎明府高軒
載酒過檻外清陰開大陸綠竹新色散漳河關山紫氣
臨燕滿風雨青山入晉多我醉欲裁王粲賦故園戎馬
近如何

街市

縣前大街

鼓樓東大街

鼓樓南大街

鼓樓北大街

城隍廟門南大街

城隍廟東大街

北門迤南大街

東門大街

學前大街

南門大街

水門大街

大十字街

小十字街

萬壽街

魚化街

大成街

清源街

順城街

揚武街

車家街

新樂街

新盛街

滑縣志卷二

街前
關梁

三

馬廠口

羊裁街口

義巷口

汪家口

軍倉門口

小塔寺

焦家路口

雷神廟

盧家衙衙

獅子巷

後場

果子市
在南關

集市舊在城內各街明崇正間因地地方多事不便識察
移於四關輪轉以為常云

關梁

金堤關隋大業中築在廢臨河西南五十三里

便橋城東門

廣濟橋城西門

平橋城北門

龍門橋城南門

董復亨滑縣南關橋碑記先是滕陽樂庵侯公分赤縣之符蒞白馬之津蒿目時艱焦心民瘼業已政通人和登闕蒲陽之善接跡中牟之異而百廢具舉四境維新道人不輟於道蒞草頻戒於行嘆漢梁之多圯鄙畧杓之罕濟亦雀朱欄慨想名跡雁齒鹿角力修勝果治之南郭有橋日久時代綿邈維絕豎歌公駐輿低徊謀所

滑縣志卷二

關梁

古

架造故中丞忠庵公仰體雅意躬率捐助萌俗趨移躡躍弗勸岐山之赴周文富平之共元凱無以過也於是跨虹連岸浮鯨續航平堤浪擁春浮鸚鵡之舟高堰柳長香泛桃花之水謝吳江之張楨魏清河之呂丹百官七星不爲麗蹲鷗否鯨不爲竒車轍馬跡有夷其行袵連袂舉履焉如砥崇功厚德洵不戒造七級之圖沛千里之霖也滑人德之比於單父密縣既公去爲都諫而父老板卧不獲於是築館彩虹之側肖像鑲柱之上尸祝庚桑社稷次卿歷歲彌堅麗石上闕而中丞冢孫光覲載採黎陽之石用勒碧落之文走幣五鹿見焉千秋

亨即惟魯風沾都諫公餘潤且辱中丞公神交敢辭驚
鈍敬綴蕪累系之碑以詩曰大河而北巖邑曰滑較擊
肩摩人物勃竅有煥其埤勢隆以高埤之南廓有橋如
鼇歲久而渝浸傾浸移官惟傳舍孰是飭之孰是飭之
曰惟侯侯侯實樂只深惟民憂謀於中丞中丞率止庶
民子來何云發徵惟冰惟輪鞭石架甬輕重應跡遠近
隨轅虹野電拖虎步雲就力將岸爭勢與空闢民弗病
涉惟侯之勩侯弗自功曰惟民錫民之懷矣曷云其極
念我慈父豳豳是力中丞冢孫猶荷如天採珉勒詞誓
將立淵榭碑如琳侯澤如新我記我詩千古若塵

滑縣志卷二

關梁

五

聖功橋宋崇寧五年二月詔滑州建浮橋賜名榮光尋改
曰聖功

陳公橋宋陳堯佐建

愛翁橋城北四十里明舉人趙產建

明緱緹創修愛翁橋記嘗按邑乘漢初酈食其說沛公
守白馬津以示諸侯形制之勢迨武帝時河決瓠子民
不能田武帝臨河沉璧馬令塞之卒下淇園之竹功乃
成迄今大河南徙已久地多灣下甌脫其在邑西境沙
南北迤邐綿亘莫竟終始依然黃河故道也其在邑北
境相傳舊白馬津渡處去邑四十里許有迎陽者狄塾

殊甚暑雨秋潦水渚蓄無所洩道路之間行人病涉者
久之邑孝廉趙愛棠公家世迎陽北馮村公喜鄉居非
公事未嘗多履城市每結鞞過迎陽南過水潦間阻輒
憑軾嘆曰迎陽孔道深屬淺揭者人人忌濟此非乘輿
所能徧也慨然興創造扛梁之思焉時天啟丁卯始治
道路次修橋梁不數月橋梁工告竣愛棠公業有記言
詳其事題曰迎陽橋志地也後年餘往來者稱便邈創
造之絲翕然名曰愛翁橋鄉民趙文明等恐其久而泯
其實也復徵余記以示永永余曰一橋烏足以傳愛棠
乎公材抱濟川用儲舟楫環堵而咏先王之風五十載

於茲借使公一通仕籍迴狂瀾砥中流宏濟事業自爛
然竹帛旂常間寧僅道路之人頌德已耶信一橋不足
以傳愛棠公矣里中長者作而言曰修橋一也出於細
民則曰善果出於君子則曰大政子與氏云歲十一月
徒杠成十二月輿梁成民未病涉也此可以想君子之
政矣愛翁雖未嘗筮仕今年迺大盞金錫圭璧無弛爾
敬書云施於有政舍愛翁其誰與歸余曰唯唯遂援筆
授之記且以告後之君子續邑乘者采愛翁橋實蹟與
聖功陳公諸橋並載諸志是橋也以愛公重即以愛翁
傳將同瓠子白馬共垂不朽矣愛翁諱產號愛棠字懼

生萬歷壬午舉人

新橋城北一里

明謝陞新橋碑記滑古豕韋地勢處淤洿枕黃流之滸自漢決瓠子水之為滑患者復相尋今河南徙故道依然每值歲澇水從西南而滿澤者環城郭而匯其流其在北地勢更下受惠為尤劇北門塗通郡都有疊道馬輪蹄往來中為急流所衝決約數十武輒桑屨揭行李甚苦初編韋木而堰之以土未幾衝去後遂砌之以石始未嘗不堅緻而後稍嚙潰也余每過此見其基址頽蕩頽塊飄踈湍流瀰漫漸車裳幃議欲割俸金與肺石

滑縣志卷二

關梁

七

之羨因修之以救吾民之病涉者有城北七里居民張詩蓋耄耄而好義者也一旦詣公庭而告余曰小人積歲月之贏以有微橐衣食所需無幾計有以散之弗得所耳今聞君欲修橋便民小人請從事焉余進之曰古人有橋道陂津之不節而過之者占其將敗徒杠與梁之不葺而軻氏病其無政今之為此役也其殆余躬之不逮耶詩趨而前曰豈弟君子民之父母詩君之子民也詩之修橋即以君之修修之余不能阻其請卜日修築捐資移石凡兩閱月而工竣詩以報余余觀之堅若礪矢矯若崇虹遠近度者足相踵目相矚而懽呼相聞